

Landesbibliothek Oldenburg

Digitalisierung von Drucken

**Io. Rvdolph. Engav Ivrivm D. & P.P.O. In Academia Ienensi
Elementa Ivris Criminalis Germanico-Carolini**

Engau, Johann Rudolph

Jenae, MDCCXLVIII.

VD18 12413879

Tit. XXXII. De Abolitione.

urn:nbn:de:gbv:45:1-10011

ne peracti
præterlapfi
sunt.

(1) ab illo die, quo delictum consummatum, non uero quo inchoatum est, ideoque (2) non a momento mandati ad delinquendum dati, sed a tempore, quo delictum, quod quis in mandatis dedit, commissum est, præscriptionem currere o); (3) nullum præscriptioni locum esse, ubi crimen permanet, aut in dies iteratur. Hinc bigamia non præscribitur, usque dum coniugium dissoluatur alterum p).

§. CCCLXVIII.

Illud denique quin adducam nequeo, quod post interruptionem præscriptionis legitimam reus ab ultimo actu iudiciali præscriptionem iterum inchoare possit, dummodo ipse iudicium fraude sua non stiterit q).

TIT. XXXII.

DE ABOLITIONE.

§. CCCLXIX.

Abolitio
est

II. **A**bolitio * est actus gratiæ, quo quis liberatur a persecutione criminali, ob hanc illamue causam instituta aut instituenda.

* Abolitio Romanorum legibus fundata a nostra differt impetrantium, concedentium, & modi, quo conceditur, intuitu.

§. CCCLXX.

o) Ibid. §. 70.

p) Ib. §. 71. seq.

q) Ib. §. 102. seq.



§. CCCLXX.

Vnde fluunt sequentia:

- I. Abolitio est actus gratiæ.
- II. Tollit persecutionem criminalem.
- III. Est strictissimæ interpretationis.

§. CCCLXXI.

Quia abolitio est actus gratiæ (§. pr. I.): actus gratiæ, sequitur, (1) ut concedi queat (a) non a magistratu subalterno *r*), sed a principe, (b) tam præuia causæ cognitione, quam sine ea, (c) plena & ad certum effectum restricta, (d) gratis & interueniente pecunia; (2) ut concessa non facile reuocanda *s*).

§. CCCLXXII.

Ex secundo (§. CCCLXX, 2.) patet, quo persequitio abolitione (1) non iudicium civile (§. CCCLXI) *t*), sed (2) quemuis processum criminalem ob quoduis crimen institutum quolibet tempore fisti, propterea que abolitione munitum (a) carceri includi, aut in eo retineri, itidem (b) deprecatione, pœnitentia publica *u*), remotione ab officio uel alio modo puniri non posse; (3) tolli omnem ex crimine uel inquisitione oriundam maculam *x*), præ-

r) LYNCKER *dec.* 912.

t) GERHARD *c. d.*

s) BERGER *El. Iu-*

c. 2. §. 13. WILDVO-

rispr. Cr. suppl. p. II. p.

GEL c. d. §. 34. seq.

61. WILDVOGEL *d. de*

u) GERHARD *c. d.*

abolitionibus & iure tertii

c. 3. §. 10. seq.

circa eas §. 31.

x) *Id. c. I. §. 9.*

præsertim si famæ restitutionis mentio facta fuerit in abolitionis diplomate *y*). Quæ quoque causa est, cur abolitione donatus iniuriarum conuenire possit eum, qui delictum abolitum dolo malo resuscitat *z*).

* Acta criminalia ex iudicio plerumque remouentur, GERHARD c. d. §. 6. & quandoque ipsi reo traduntur.

§. CCCLXXIII.

Ea a suo
principe
concessa

Quia abolitio est ille actus gratiæ, quo sistitur persecutio criminalis (§. CCCLXX, 1. 2.): cognitu erit facile, non quemlibet principem, sed illam, a quo dependent leges & iudicia istius loci, ubi processus criminalis institutus aut adhuc institutus est *a*), abolitionem concedere posse.

§. CCCLXXIV.

strictissimæ
interpretationis
est.

Ex tertio (§. CCCLXX, 3.) denique colligo, abolitionem (1) ad hunc uel illum effectum restrictam ad alios non extendendam esse, nec, (2) si uel maxime plena sit, ad futura, sed præterita delicta, & quidem ea tantum, quæ abolitionis testimonium expressis uerbis loquitur, pertinere.

§. CCCLXXV.

y) *Conf. Hal. To. I. conf. 127. n. 2.*

z) WILDVOGEL §. 2. c. d. §. 43.

a) IDEM c. d. §. 26. GERHARD c. d. c. III.

§. 2.

§. CCCLXXV.

Suo modo quoque sistitur criminalis ^{III. trans-} ^{actio &} cognitio, ^{III. trans-} ^{actio &} transactione, læsum inter & reum inita, ubi lex crimen uindicans magis priuatum quam publicum attendit interesse. Cæterum neque transactionem habemus semper indicium ad torturam sufficiens, neque quæstionem: *an de crimine transigere liceat?* decisuri, cum Romanis distinguimus inter *capitalia & non capitalia* crimina b).

§. CCCLXXVI.

Quod denique ^{IV. mors} ^{rei & c. tol-} morte rei, si crimen ^{lunt iudi-} perduellionis exceperis c), & ^{cium cri-} ^{minale.} V. *sententia* absolutoria sistatur criminalis processus, res ipsa loquitur.

TIT. XXXIII.

DE

EXPENSIS CRIMINALIBVS

§. CCCLXXVII.

Melioris perspicuitatis ergo licebit nobis ^{Expensæ} ^{tam crimi-} ^{nales} *expensas criminales* hic in sensu strictiore sumere, atque ab *expensis processus criminalis* distinguere. Erunt itaque nobis sumtus in executionem sententiæ

b) Diff. GERDESIVS DIVS d. de transact. in d. de usu transactionis in delictis pro re dimenda uexa. RHO c) BRUNNEMANN proc. inquis. c. XI. nr II.

